



Javno preduzeće "Grijanje" d.o.o. Zenica, Bilimšće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Datum: 04.11.2016. godine

Naš znak: 10611/16-4

Na osnovu člana 70, 71. i 88. Zakona o javnim nabavkama Bosne i Hercegovine („Službeni glasnik BiH“ broj 39/14), člana 37. i 38. Statuta Javnog preduzeća „Grijanje“ d.o.o. Zenica i na preporuku Komisije za javne nabavke, donosim

ODLUKU

o izboru najpovoljnijeg ponuđača za nabavku pločastih kompaktnih izmjenjivača toplote

I

Najpovoljniji ponuđač za nabavku pločastih kompaktnih izmjenjivača toplote, izabran na osnovu provedenog postupka po konkurentskom zahtjevu za dostavljanje ponuda br. 58/2016 je:

MIPEX - AUTO RS d.o.o. Banja Luka

II

Obavezuje se odabrani ponuđač da u roku od 5 dana od prijema Odluke o izboru najpovoljnijeg ponuđača dostavi dokaze o ispunjavanju uslova lične sposobnosti iz paragrafa 3.1.1. tenderske dokumentacije.

Ukoliko odabrani ponuđač dokaže da ispunjava ličnu sposobnost biti će mu ponuđen Ugovor o nabavci iz prethodnog člana u roku od 10 dana od dana dostavljanja ove Odluke. Zadužuje se Služba za ekonomske poslove – Odjeljenje za komercijalne poslove da u roku od 3 (tri) dana od dana donošenja ove Odluke istu dostavi učesnicima i time ih ujedno obavijesti o rezultatima analize pristiglih ponuda u ovom postupku nabavke.

III

Ova Odluka stupa na snagu danom donošenja.

Obrazloženje

U skladu sa članom 14. i 88. Zakona o javnim nabavkama BiH, a na osnovu plana nabavke ugovornog organa za 2016.godinu od 24.12.2015.godine, pokrenut je postupak konkurentskog zahtjeva za dostavu ponuda za nabavku pločastih izmjenjivača toplote, čija je procijenjena vrijednost iznosila 50.000,00 KM. Na osnovu obavještenja o nabavci broj 1091-7-1-388-3-16/16 objavljenog na „Portal javnih nabavki“ dana 27.07.2016. godine, za nabavku pločastih kompaktnih izmjenjivača toplote, ponude su dostavili slijedeći ponuđači:

1. INSTRUMENTS d.o.o. Sarajevo sa cijenom od 49.000,00 KM bez PDV-a.
2. MIPEX-AUTO RS d.o.o. Banja Luka sa cijenom od 44.753,00 KM bez PDV-a
3. VENTCOMMERCE d.o.o. Sarajevo sa cijenom od 37.025,00 KM bez PDV-a

Nakon analize pristiglih ponuda, ugovorni organ je donio Odluku broj 10611/16-1 od 15.08.2016. godine kojom je za najpovoljnijeg ponuđača odabrao „Ventcommerce“ d.o.o. Sarajevo sa cijenom ponude od 37.025,00 KM bez PDV-a. Na navedenu Odluku ponuđač „Mipex - auto RS“ d.o.o. Banja Luka je 24.08.2016.godine uložio žalbu po kojoj je ugovorni organ donio Rješenje broj 10611/16-3 od 29.08.2016.godine kojim je izvršio ispravku Odluke o izboru najpovoljnijeg ponuđača broj 10611/16-1 od 15.08.2016.godine. Na navedeno Rješenje i Odluku ponuđač „Mipex-auto RS“ d.o.o. Banja Luka ponovo je 05.09.2016.godine uložio žalbu koju je ugovorni organ, zajedno sa odgovorom na žalbu broj 11525/16-1 od 08.09.2016.godine i tenderskom dokumentacijom, dostavio na razmatranje Uredu za razmatranje žalbi Bosne i Hercegovine. Ugovorni organ je Odlukom broj 11730/16 od 07.09.2016.godine obustavio predmetni postupak javne nabavke do donošenja Odluke Ureda za razmatranje žalbi BiH. Ured za razmatranje žalbi je svojim Rješenjem broj JN2-03-07-1-934-7/16 od 29.09.2016.godine usvojio žalbu ponuđača „Mipex-auto RS“ d.o.o. Banja Luka i poništio Odluku o izboru najpovoljnijeg ponuđača broj 10611/16-1 od

15.08.2016.godine i Rješenje o ispravci broj 10611/16-3 od 29.08.2016.godine, te predmet vratio ugovornom organu na ponovni postupak pregleda i ocjene ponuda.

Postupajući po Rješenju URŽ BiH, ugovorni organ je utvrdio da ponuđač Ventcommerce d.o.o. Sarajevo ne ispunjava uslove propisane tenderskom dokumentacijom u tački 2.5.4 obavezna tehnička dokumentacija gdje je ugovorni organ propisao dostavljanje: certifikata izdatog od strane proizvođača koji se odnosi na kvalitet proizvoda izdat od strane proizvođača, koji dokazuje da ponuđena roba zadovoljava zahtjeve ISO 9001 i ISO 14001 normi, te da se dostavljeni dokumenti na stranama 42 i 43 dostavljene potvrde proizvođača o ispunjavanju EU standarda ne odnose na tražene certifikate o kvalitetu proizvoda izdate od strane proizvođača koji dokazuju da ponuđena roba zadovoljava zahtjeve ISO 9001 i ISO 14001 normi.

Na osnovu navedenog odlučeno je kao u dispozitivu Odluke.

Pravna pouka:

Protiv ove Odluke može se izjaviti žalba ugovornom organu u roku od 5 (pet) dana od dana prijema ove Odluke.



Direktor

Kaknjo Sead, dipl.ing. maš.

Dostavljeno:

3 x Ponuđači

1 x Uprava preduzeća

1 x Služba za ekonomske poslove – Odjeljenje za komercijalne poslove

1 x Komisija za javne nabavke